

Von vogten vnd pflegern.

L

¶ Ob aber dheim siffründ vorhanden/oder die so gesipt vnd zugegen/darzu nit taugentlich/noch vnder vnserm gezwang weren/so sollen vnd wöllen wir denselben künden/oder andern vogtparn personen/ein oder me vormunde vogt oder pfleger/kiesen vnd ordnen/die alhie sebhafft burger oder zünfftig/vnd darzu taugentlich sind/sy sitzen in vnserm Rat ob nit/mit denen vns dan beduncken würdt/die kind vnd vogtparn personen versehen zu sin/doch so haben wir eygentlich versehen/wer das den ihenen/den/oder die wir zu vogt zu kiesen/sürgenommen hette den vogtkünden/oder vogtparn persone/oder sy hinwider inen/sich schuldig weren/anspruch vnd vordnung/eins zu dem andern hette/das sollt wir mit flyß ermetzen/vñ nit lichelich dieselben zu vögt kiesen/es wer dan das wir mit güter erfahrung/den/oder dieselben/ ongeirrt diß mangels/dapffer/from/erw vnd taugentlich erfunden/das sol zu vnser erkantnuß stan.

Wie die vogt vnd pfleger

in irem antritt schweren sollen.

¶ Es sol dheim vogt noch pfleger in sin vogtey sich inmischē/er hab dan zuuor disen nachgenden eide zu gott vnd den heiligen vor vns geschworen/namlich das er der zu geordneten person hab vnd güter ligende vnd varende/gerüwlich verwaltē/ouch die in sinen eigen nutz(dadurch den vogtkünden ir nutz gemindert werden möcht)nit verwenden noch geburhen/das er ouch wöll sin vogtperson/inn vnd vfftehalb rechts/gemeinlich beschirmen/vertreten/vnd derselben recht vnd gerechtigkeit haben/das er ouch woll siner vogtpersonen ligenden güter/darzu zins/rente vnd güte/dheins wegs verendern/beschweren/noch verkouffen/ on vnser vnd derselben fründschafft wissen vñ willen/vnd das er vns vñ der fründschafft/alle iar/vnd ob er davor abstan müste/ein vfrichtig volkomen rechnung geben/vnd so vil an im ist/kein iar zum andern komen lassen/sonder so ongevarlich acht/oder vierzehē tag über das iar verschinen/so sol er by sinem geschwornen eid/sür vnsern Rat kommen/sich der rechnung erpieten/vnd yemants von vnserm Rat vnd der fründschafft darzu begern/die sollen vnd wöllen wir alsdan onuerzogelich darzu verordnen/vnd ob er etwas schuldig würdt/das sol er bar bezalt/im wurd dan von vns vnd der fründschafft/frist vnd zil gegeben/by verpindung aller siner ligenden vnd varende güter/vnd ob er einich anspruch hett an die kind/oder personen/deren vogt er werde wöle/oder dieselben hinwider an sin/so sol er solichs in sinem anstand eroffnen/vnd nit verhaltē/damit wir darüber die nottufft erkennen mögen.

K ij